

AUGLÝSING

um breytingu á grunnfjárhæðum skv. 4. og 6. gr., sbr. 22. gr. laga um erfðafjárskatt nr. 83/1984.

Grunnfjárhæð skv. 4. gr. verður kr. 731.345.

Grunnfjárhæð skv. 6. gr. verður kr. 52.638.

Breyting þessi tekur gildi 1. desember 2000 og gildir til 30. nóvember 2001.

Fjármálaráðuneytinu, 8. nóvember 2000.

F. h. r.

Marianna Jónasdóttir.

Elva Ósk S. Wíium.

REGLUGERÐ

um breyting á reglugerð nr. 641/2000 um alþjónustu.

1. gr.

10. gr. orðast svo:

Til að standa straum af greiðslu fjárframlaga samkvæmt 9. gr. skal innheimta jöfnunargjald sem rennur til Póst- og fjarskiptastofnunar. Tekjur af jöfnunargjaldi skulu varðveittar í sérstökum sjóði sem skal vera sérstaklega aðgreindur í bókhaldi Póst- og fjarskiptastofnunar.

Jöfnunargjald skal leggja á fjarskiptafyrirtæki sem starfrækja almenn fjarskiptanet og eða almenna talsímabjónustu.

Gjaldstofn jöfnunargjalds er bókfærð velta af starfsemi samkvæmt 2. mgr. Með veltu er hér átt við rekstrartekjur (heildarrekstrartekjur) af gjaldskyldri starfsemi hér á landi. Reki gjaldskyldur aðili samhliða aðra starfsemi skal heildarveltu skipt hlutfallslega og skal bókhaldi hins gjaldskylda aðila hagað þannig að sérstaklega skal haldið aðgreindri veltu af gjaldskyldri starfsemi, sbr. 2. mgr. Jöfnunargjald má draga frá tekjum greiðanda á því rekstrarári þegar stofn þess myndaðist.

Um álagningu og innheimtu jöfnunargjalds fer samkvæmt ákvæðum VIII.-XIV. kafla laga nr. 75/1981, um tekjuskatt og eignarskatt, með síðari breytingum, og stjórnvaldsfyrirmælum settum samkvæmt þeim, eftir því sem við getur átt.

2. gr.

Við bætist ákvæði til bráðabirgða er orðast svo:

Ákvæði til bráðabirgða.

Fyrirframgreiðsla upp í álagningu jöfnunargjalds á árinu 2001 skal fara fram með eingreiðslu þann 1. desember 2000. Skal fjárhæð fyrirframgreiðslu vera jafnhá 0,18% af helmingi veltu rekstrarársins 1999 eins og hún er skilgreind í 3. mgr. 10. gr. Gjaldskyldir aðilar, sem hafa verið með gjaldskylda starfsemi á árinu 2000, skulu eigi síðar en 20. nóvember árið 2000 skila til skattstjóra upplýsingum um veltu ársins 1999, sbr. 3. mgr. 10. gr. og ákvarðar skattstjóri fyrirframgreiðslu þeirra og tilkynnir þeim um þá ákvörðun eigi síðar en 24. nóvember 2000.

Ef gjaldskyldur aðili telur fyrirséð að velta ársins 2000 vegna mánaðanna júní til og með desember sé lægri en helmingur veltu ársins 1999, sbr. 3. mgr. 10. gr., getur hann óskað eftir lækkun fyrirframgreiðslunnar. Umsóknir um lækkun fyrirframgreiðslu skulu berast skattstjóra eigi síðar en 31. desember 2000. Úrskurður skattstjóra skal kveðinn upp innan 15 daga að jafnaði frá því að beiðni um lækkun barst. Úrskurður skattstjóra er kæránlegur til ríkisskattstjóra sem kveður upp endanlega úrskurð á stjórnsýslustigi.

3. gr.

Reglugerð þessi, sem sett er samkvæmt heimild í 15. gr. laga nr. 107/1999, um fjarskipti, öðlast þegar gildi.

Samgönguráðuneytinu, 6. nóvember 2000.

Sturla Böðvarsson.

Ragnhildur Hjaltadóttir.

8. nóvember 2000

Nr. 814

AUGLÝSING

um deiliskipulag á lóð úr landi Hafnar 2 í Leirár- og Melahreppi.

Sveitarstjórn Leirár- og Melahrepps hefur samþykkt deiliskipulag á lóð úr landi Hafnar 2 í Leirár- og Melahreppi. Deiliskipulagið hefur fengið meðferð samkvæmt lögum nr. 73/1997. Deiliskipulagið öðlast þegar gildi.

Leirár- og Melahreppi, 8. nóvember 2000.

Sigurður Valgeirsson oddviti.

2. nóvember 2000

Nr. 815

AUGLÝSING

um gildistöku ákvörðunar Flugmálastjórnar Íslands nr. 2/2000 um lofthæfifyrirmæli.

Með vísan til 140. gr. laga nr. 60/1998 um loftferðir og reglugerðar um flugmálahandbók útgefna af Flugmálastjórn Íslands nr. 326/2000, hefur Flugmálastjórn ákveðið að frá og með 15. nóvember 2000 skulu allir skráðir umráðendur loftfara sem skrásett eru á Íslandi vera áskrifendur að og fylgja lofthæfifyrirmælum (Airworthiness Directives) frá því ríki/ríkjum sem loftfarið er hannað í (State of Design) og eða ríki/ríkjum sem gefa út tegundarskrifteini (State of Type Certificate Holder), með vísan til c-liðar 2. mgr. 20. gr., 2. mgr. 22. gr. og 26. gr. laga um loftferðir nr. 60/1998.

Undanþegnir áskriftarskyldu lofthæfifyrirmæla eru skráðir umráðendur lítilla loftfara allt að 5700 kg sem notuð eru í einkaflugi.

Ákvörðun Flugmálastjórnar Íslands er birt í heild sinni í flugmálahandbók Flugmálastjórnar, 3. deild (Ákvarðanir Flugmálastjórnar Íslands).

Auglýsingin öðlast þegar gildi.

Reykjavík, 2. nóvember 2000.

Porgeir Pálsson flugmálastjóri.